



Pou Piblikasyon Imedya: 26/01/2023

GOUVÈNÈ KATHY HOCHUL

GOUVÈNÈ HOCHUL ANONSE ZINC8 ENERGY SOLUTIONS, KI SE YON LIDÈ ESTOKAJ ENÈJI ALONTÈM, PRAL LOKALIZE PREMYE ETBLISMAN FABRIKASYON KOMÈSYAL LI A AK KATYE JENERAL AMERIKEN LI NAN KONTE ULSTER

Konpayi an pral kreye 500 djòb atravè yon plan envestisman 68 milyon dola sou 5 ane nan rejon Mid-Hudson lan epi bati sistèm estokaj enèji ki sèvi ak zenk ak lè k ap dire lontan ki favorab pou anviwònman an ak ekonomi an

Lokatè ankraj nan novo pak konèsyal iPark 87 la ki koute 100 milyon dola pral transfòme sit IBM ki vid pandan twa deseni an yon motè kwasans ekonomik

Ekspansyon nan New York konplete agenda anviwònmantal solid Gouvènè Hochul la pou redui emisyon gaz ki lakoz efè sè ak konbat chanjman klimatik la

Gouvènè Kathy Hochul te anonse jodi a Zinc8 Energy Solutions, USA, yon lidè nan endistri estokaj enèji ki dire lontan, pral relokalize etablisman fabrikasyon 68 milyon dola li a ak katye jeneral Etazini an nan Kingston, Konte Ulster nan ansyen Tech City, kanpis IBM Ulster a, ke yo rele kounye a pak komèsyal iPark 87. Zinc8 Energy Solutions devlope teknoloji batri inovab ki sèvi ak zenk ak lè kòm gaz. Zinc8 pran angajman pou l kreye jiska 500 djòb, sa k ap konplete lidèchip nasyonal Eta New York nan devlope ekonomi vèt la, dirije efò pou redwi emisyon gaz ki lakòz efè sè, ak priyoreite pou konbat chanjman klimatik. Lokal konpayi an nan Konte Ulster sipòte kad Gouvènè Hochul ki fèk [anonse](#) pou Eta a reyalize yon estokaj enèji sis jigawat k ap mennen nan nasyon an anvan 2030.

"Kreye bon travay ki pral mennen nan yon New York ki pi ekolojik, ki pi dirab pou pitit nou yo ak pitit pitit nou yo pa sèlman nan avantaj ekonomi nou an, li se bagay ki bon pou nou fè pou planèt nou an", **Gouvènè Hochul te deklare**. "Teknoloji estokaj enèji dènye kri ki pwòp Zinc8 la se yon lòt zouti ki pral pèmèt nou reyalize ajanda klimatik solid nou an epi kontinye fè Eta New York vin yon lidè nan avanse ekonomi vèt la."

Zinc8 Energy Solutions (Zinc8) te soumèt yon Lèt Entansyon pou li kapab lokatè prensipal epi lwe apeprè 237,000 pye kare depo ak espas deyò nan iPark 87 la, ki posede pa National Resources. Zinc8 pral envesti apeprè 68 milyon dola sou 5 ane pou otomatize ak konstwi sit la, sa k ap fè rejon an vin katye jeneral Zinc8 nan Etazini

ak yon gwo sant operasyon fabrikasyon, rechèch ak devlopman. Empire State Development (ESD) te dakò pou bay jiska 9 milyon dola nan kredi enpo Pwogram Djòb Excelsior (Excelsior Jobs Program) la ki baze sou pèfòmans pou ankouraje ak sipòte kreyasyon 500 djòb.

Nouvo pak komèsyal iPark 87 la ki koute 100 milyon dola a pral sèvi kòm yon kanpis teknoloji pou itilizasyon miks, k ap transfòme ansyen sit IBM lan epi pozisyone ansyen TechCity a kòm yon sant inovan pou kwasans ekonomik apre 30 ane ap trennen. Yon pati nan plan iPark 87 la se pou konstwi yon kominate rezidansyèl dirab ki gen 600 inite ki pa gen anprent kabòn, ki mache ak enèji renouvlab a 100 pousan epi ki konstwi konplètman ak materyèl konstriksyon dirab. Pak biznis lan pral gen ladan tou plizyè ekipman publik tankou mini pak, sante pou bisiklèt ak pou pyeton, ak yon sant byennèt ak atistik. Lè li rekonèt objektif kreyasyon travay, kwasans ekonomik ak dirabilite pou kanpis la ak rejon ki antoure a, ESD te sipòte devlopman pak komèsyal la ak yon sibvansyon 8 milyon dola atravè Inisyativ Revitalizasyon Rejyon Nò (Upstate Revitalization Initiative, URI) a.

Zinc8 se yon devlopè teknoloji ak fabrikan prensial nan sistèm estokaj enèji ki dire lontan ki sèvik ak zen ak lè pou etablisman sèvis publik, komèsyal ak endistriyèl yo, ak mikworezo adistans yo. Konpayi an gen pou objektif pou akselere tranzisyon mond lan nan direksyon sous enèji dirab, ki an sekirite, ak rezistans atravè sistèm estokaj an mas ki favorab pou anviwònman an ak ekonomik an pou fè estokaj enèji pwòp rantab, fyab, ak fasilman disponib.

Prezidan, Direktè Egzekitif Jeneral ak Komisè Empire State Development lan, Hope Knight, te deklare, "Zinc8 pran angajman totalman pou tranzisyon mond lan nan direksyon yon sous enèji ki pi dirab, ki an sekirite ak rezistan epi nou kontan dèsk Eta New York pral jwe yon wòl entegral nan pwosesis sa a. ESD pran angajman pou elaji ekonomi vèt Eta a ak pou kreye bon travay pou tout Nouyòkè yo epi deplasman Zinc8 pou ale nan rejon Mid-Hudson lan se yon lòt etap pozitif nan bon direksyon an."

Prezidan ak Pwovizwa Otorite Enèji New York la, Justin E. Driscoll, te deklare, "NYPA te rekonèt potansyèl Zinc8 an 2019 lè yo te soumèt nouvo pwototip teknoloji estokaj enèji yo nan defi inovasyon enèji pwòp New York nou an. Depi lè sa a, Zinc8 te elaji patenarya li ak Eta New York epi kounye a I ap pozisyone katye jeneral Etazini li an isit la. Kwasans Zinc8 nan Konte Ulster pral kreye jiska 500 djòb, sa k ap avanse davantaj pozisyon New York kòm yon lidè nan nasyon an nan ranfòse yon ekonomi enèji pwòp."

Doreen M. Harris, Prezidan ak Direktè Egzekitif Jeneral Otorite Rechèch ak Devlopman Enèji Eta New York la, te deklare, "Lè yo pote fabrikasyon estokaj enèji ki dire lontan nan ekonomi vèt k ap grandi a nan eta a, Zinc8 ap avanse pwochen fwontyè teknoloji batri ki pral ede Nouyòkè yo jwenn aksè ak enèji renouvlab lè yo bezwen li plis. Nouvo etablisman sa a pral non sèlman avanse devlopman mache pwodwi Zinc8 la—li pral kreye tou travay lokal ki byen peye, devlope chèn

apwovizyonman inovasyon nou an, epi sèvi kòm yon lòt zouti pou konbat enpak chanjman klimatik yo."

Direktè Egzekitif Jeneral Depatman Sèvis Piblik Eta New York Ia, Rory M.

Christian, te deklare, "Gouvènè Hochul te yon sipòtè fèvan nan devlopman estokaj enèji nan Eta New York, epi kòm yon rezulta dirèk sipò sa a se sa ki mennen Zinc8 deside lokalize katye jeneral li a nan New York. Desizyon estratejik tankou sa a se sa ki pral ede akselere tranzisyon nou an nan direksyon yon ekonomi enèji pwòp epi atenn objektif klima enpòtan nou yo."

Teknoloji Zinc8 la te devlope ozalantou itilizasyon zen kòm gaz anod, ki prevwa ofri avantaj sou lòt metal akòz dansite enèji elve li yo, disponiblite abondan, pri ki ba, ak fasilité pou stoke ak jere li. Lè sistèm nan ap distribiye elektrisite, patikil zen yo kombine avèk oksijèn ki soti nan lè ki ozalantou a. Lè sistèm nan ap rechaje, patikil zen yo rejenere, epi oksijèn lan retounen nan lè ki ozalantou a. Sistèm rejeneratif la pa mande ranplasman kabiran epi li ofri kapasite enèji evolutif atravè entwodiksyon senp tank kabiran adisyonèl.

Zinc8 te premye konekte ak Eta New York atravè Defi Inovasyon Enèji Pwòp Otorite Elektrisite New York (New York Power Authority, NYPA) an 2019 ki te chèche nouvo teknoloji ak modèl biznis pou rezoud pwoblèm enèji eta a. Zinc8 te genyen [defi a](#) Epi li te angaje nan deplwaman premye itilizasyon nouvo sistèm estokaj enèji zen ki sèvi ak lè li a, premye faz la pral an fonksyon ane sa a. Antanke gayan defi a, Zinc8 te antre nan yon akò avèk New York Power Authority (NYPA) pou enstale yon sistèm 100-kilowat/1 megawat pa èdtan (kW/MWh) nan Invèsite prensipal SUNY an nan Buffalo, pou ogmante rezistans kanpis la ak avanse teknoloji estokaj enèji.

Anplis de sa, Zinc8 te anonse yon akò deplwaman ak Digital Energy Corp., ki se yon konpayi enjenyeri nan sektè prive a nan Eta New York pou yon sistèm estokaj enèji 100-kW/1.5-MW pa èdtan. Pwojè a pral demonstre avantaj ak valè ekonomik Sistèm Estokaj Enèji Zinc8 la nan yon izin Chalè ak Enèji Konbine (Combined Heat and Power, CHP) ki deja egziste dèyè kontè nan Vil New York. Pwojè a te resevwa sipò finansye nan men Otorite Rechèch ak Devlopman Enèji Eta New York (New York State Energy Research and Development Authority, NYSERDA) la.

Yo te nonmen Zinc8 tou yon solisyón "Premye Plan" nan Kategori Estokaj Enèji nan 2022 PropTech Challenge (Defi Teknoloji Pwòp 2022), ki te konsantre sou devlopman dirab ak efò kontinyèl endistri imobilye a pou redwi emisyon nan tout anviwònman konstriksyon an.

Lidè Majorite Sena a, Charles Schumer, te deklare, "Nan sa ki gen pou wè ak ansyen sit Tech City ki te chaje ak amyant lan, nou te konnen: si nou netwaye li, I ap reyisi. Ak 500 djòb Zinc8 ki byen peye ak 68 milyon dola nan envestisman dènye kri nan fabrikasyon se yon prèv pozitif ke lè ou envesti nan konbat chanjman klimatik, ou ka kreye travay ki byen peye, nouvo kwasans ekonomik, ak yon avni ki pi briyan pou kominate nou yo", Senatè Schumer te deklare. "Mwen bat bravo pou Zinc8 pou

angajman yo pran anvè K Ulster ak Gouvènè Hochul pou sipò li pou pwojè a epi mwen pa ka tann pou m kontinye travay men nan men pou m alimante lidèchip New York kòm yon sant fabrikasyon batri mondyal."

Reprezantan Pat Ryan te deklare, "Sa a se yon gwo viktwa non sèlman pou Konte Ulster ak Hudson Valley, men pou tout eta New York la. Mwen te goumen ak fyète pou m redrese iPark 87 la depi premye jou mwen kòm Egzekitif Konte a epi ap mennen bak la ak National Resources, EPA a, Gouvènè Hochul ak Senatè Schumer pou revitalize sit enpòtan sa a. Etablisman fabrikasyon Zinc8 la pral pote plizyè santèn djòb vèt ki byen peye nan rejon an, epi li voye yon deklarasyon ke Hudson Valley pral pran devan nan devlopman ekonomik nan Eta New York pou plizyè deseni k ap vini yo."

Egzekitif Konte Ulster, Jen Metzger, te deklare, "Lè m te sèvi nan Sena Eta a epi m te travay pou m adopte Lwa Klima New York la k ap mennen nan peyi a, mwen te pale souvan sou avantaj ekonomik enpòtan Iwa sa a te pwomèt kominote nou yo. Ak konpayi tankou Zinc8 k ap vini nan Ulster, kounye a nou wè fwi Iwa sa a ap konkretize: kreyasyon djòb k ap soutni fanmi nan endistri dènye kri ki bati yon echèl pou rive nan klas mwayèn nan. Mwen vle remèsyé Gouvènè Hochul pou lidèchip avanse li nan sipòte bon kalite envestisman nan Konte Ulster, epi mwen pa ka tann pou m travay avèk administrasyon li a sou inisyativ devlopman mendèv yo pou konplete envestisman sa a epi bay mendèv ki fòme nou bezwen pou ekonomi vèt la."

Ron MacDonald, Prezidan, Direktè Egzekitif Jeneral, ak Direktè Zinc8 Energy Solutions, te deklare, "Mezi istorik Eta New York pran pou atenn objektif netralite kabòn anbisye yo ap estimile inovasyon enèji pwòp epi Zinc8 pran angajman pou I fè pati entegal ekonomi vèt New York la. Nou bat bravo pou direktiv klè Gouvènè Hochul la pou mete lejislasyon ak resous eta a nan direksyon pou rezoud kriz klimatik la, pandan y ap konstwi opòtinite envestisman ak travay dirab pou Nouyòkè yo."

Joseph Cotter, Ko-Fondatè National Resources, te deklare, "i.Park 87 ak Distri Think lan reprezante yon opòtinite pou transfòme totalman ansyen kanpis IBM sa a an yon novo kominote vibran ki konsantre sou inovasyon, dirabilite ak lavi alavni pou Konte Ulster. Etandone defi pwopriyete sa a ap fè fas, iPark pa t ap la san sipò solid Empire State Development ak Gouvènè a."

Deplasman Zinc8 nan Rejon Mid-Hudson lan konplete ajanda enèji pwòp Gouvènè Hochul la pou 2023 a. Nan kad lidèchip Gouvènè Hochul, New York te avanse politik ki pi agresif nan peyi a pou konbat chanjman klimatik, pwoteje dlo pwòp ak anviwònman natirèl nou an, ankouraje jistis anviwònmantal, ak avanse ekonomi vèt la.

Nan Eta Leta 2023 li a, Gouvènè Hochul ap pwopoze inisyativ enpòtan ki pral fè yon diferans nan lavi tout Nouyòkè yo. [Pwogram Kapital-ak-Envestisman](#), ke yo te revele semèn pase a, pral kreye yon Pwogram Kapital-ak-Envestisman nan tout ekonomi an ki etabli yon limit k ap diminye sou emision gaz ki lakòz efè sè, envesti nan pwogram ki mennen nan rediksyon emision nan yon fason ekitab ki priyorize kominote defavorize yo, limite depans pou fanmi ki vilnerab ekonomikman yo, epi kenbe

konpetitivite endistri New York yo. Anplis de sa, Gouvènè Hochul pral pwopoze lejislasyon pou kreye yon Rabè Aksyon Klimatik invèsèl ki prevwa mennen plis pase 1 milya dola nan pwofi kapital ak envestisman pou Nouyòkè yo chak ane.

Anplis de sa a, Gouvènè Hochul te dekri yon nouvo kad pou Eta a reyalize yon sis jigawat estokaj enèji k ap mennen nan peyi a disi 2030, ki reprezante omwen 20 pousan gwo chaj elektrisite nan Eta New York. Plan an, ke Otorite Rechèch ak Devlopman Enèji Eta New York (New York State Energy Research and Development Authority, NYSERDA) ak Depatman Sèvis Piblik (Department of Public Service, DPS) Eta New York te soumèt bay Komisyon Sèvis Piblik (Public Service Commission, PSC) la pou konsiderasyon, pwopoze yon seri rekòmandasyon konplè pou elaji pwogram estokaj enèji New York yo pou debloke kwasans rapid enèji renouvlab yon fason ki efikas an matyè pri atravè eta a ak ranfòse fyabilite rezo ak rezistans kliyantèl la. Si yo apwouve li, plan an pral sipòte yon devlopman deplwaman estokaj yo prevwa ki pral redui depans sistèm elektrik yo prevwa alavni nan tout eta a nan prèske 2 milya dola, anplis ogmante benefis nan fòm amelyore sante piblik akòz eksposizyon redwi ak polyan gaz fosil danjere yo. Anons jodi a sipòte objektif Lwa sou Lidèchip Klima ak Pwoteksyon Kominotè Eta a pou pwodui 70 pousan elektrisite Eta a apati sous renouvlab yo disi 2030 ak 100 pousan elektrisite zewo emisyon disi 2040

Anplis pwòp envestisman vèt New York yo, Lwa sou Rediksyon Enflasyon (Inflation Reduction Act, IRA) federal la bay gwo opòtinite pou pwofite envestisman eta ak prive ki déjà angaje atravè eta a. IRA pral redwi depans pou New York pou ede satisfè egzijans Lwa Klima a nan apeprè 70 milya dola jiska 2050 epi li espere bay finansman san parèy pou diminye depans enèji konsomatè yo, diminye emisyon kabòn ak polisyon, asire sekirite ak rezistans enèjetik, ogmante inovasyon enèji ak manifakti nasyonal, ak avanse jistis anviwònmantal.

Ajanda nasyonal sou klima Eta New York la se inisyativ sou klima ak enèji pwòp ki pi agresif nan peyi a, ki mande yon tranzisyon òdone epi ki ekitab nan enèji pwòp ki kreye travay epi ki kontinye ankouraje yon ekonomi ekolojik pandan Eta New York ap retabli anba pandemi COVID-19 la. Ensksri nan lalwa atravè Lwa sou Lidèchip Klimatik ak Pwoteksyon Kominotè (Climate Leadership and Community Protection Act, CLCPA) a (ki se Lwa Klima a), New York sou chimen pou l'akonpli objektif li atenn netralite kabòn nan tout nivo ekonomi an, ki gen ladan yon sektè elektrisite ki gen zewo-emisyon rive 2040, ki gen ladan 70 pousan pwodiksyon enèji renouvlab rive 2030. Li chita sou envestisman san presedan ke New York la te reyalize pou devlope enèji pwòp yo, ki enkli plis pase 21 milya dola nan 91 pwojè enèji renouvlab ki fèt sou gran echèl nan Eta a, 6.8 milya dola pou redui emisyon batiman yo, 1.8 milya dola pou devlope enèji solè, plis pase 1 milya dola pou inisyativ transpò pwòp ak plis pase 1.2 milya dola nan angajman NY Green Bank yo.

Avèk aplikasyon Lwa Klima a, pral gen demand pou yon mendèv pou enèji pwòp. Rezulta ki soti nan yon [Etid Travay 2021](#) ke Gwoup Travay sou Tranzisyon Jis Konsèy Aksyon Klima Eta New York la te pibliye, montre ke nan 21 sous-sektè k ap grandi yo anplwa total yo pral ogmante pa plis pase 60 pousan soti an 2019 pou rive an 2030 -

sa k ap ajoute omwen 211,000 nouvo travay nan Eta New York. Anplis de sa a, djòb enèji pwòp nan Eta New York te rive nan yon nivo rekò 165,000 travayè nan fen ane 2021 an, sa k ap ede kontribiye rekiperasyon ekonomik COVID-19 New York la nan rekiperasyon djòb enèji pwòp ki te pèdi an 2020 epi depase nivo travay nan enèji pwòp anvan COVID-19 la pa 1,300 djòb.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418